

pretiosis vestimentis, quanto magis viros^a non decet vanitas vestimentorum; et maxime 793
Deo servientibus sub nomine monachicae vitae nocet, quorum^b laus est omnia^{post Iun. 8.}
temperanter^c agere et religiose vivere; ut nulla in illorum moribus possit esse
reprehensio, sed exempla totius bonitatis, ut magis aedificentur videntes illorum
5 optimam conversationem et Deo placentem.

Castigatio vero, quae facta est in monasterio vestro, dignum est, ut vobis
proficiat ad salutem sempiternam. Fortior est defensio^d sanctorumque intercessione^e,
qui apud vos requiescunt, quam sagittarum collectio, et morum emendatio quam armorum
congregatio. Memento Ezechiam regem quantos hostes una prece prosternerit^{f 1}. Quis^{Isai. 37, 36.}
10 unquam in Deo sperans derelictus est? Castigat omnem filium, quem recipit. Nolite^{Cf. Hebr. 12, 6.}
pusillanimes esse in tribulatione, quae facta est vobis; sed erigite animos vestros ad
misericordiam Christi dei, qui nunquam deserit sperantes in se. Confirmate vos in^{Iudith 13, 17.}
karitate Dei et in praeceptis illius seduli estote, ut posteriora vestra meliora sint^{2. Petr. 2, 20.}
prioribus².

15 Lectionis studium exercete. Audiantur in domibus vestris legentes, non ludentes
in platea; et inter seniores consilia salutis, non ebrietatis iniquitas, quae fovea est
perditionis et multum Deo servientibus noxia; dicente apostolo: 'Ebriosi regnum Dei^{1. Cor. 6, 10.}
non possidebunt'. Omnis bonitas et omne pietatis exercitium et religionis pulchritudo
et pacis iocunditas et regularis vitae observatio videatur in vobis; quatenus vos divina
20 protectio ab invisibilibus vel visibilibus conservare dignetur inimicis.

Quae vos^g in omni bono proficere faciat et ad perfectam cum bonorum laude
meritorum beatitudinem pervenire concedat. Orantem pro populo christiano vestram
sanctitatem et in optima florentem religione melioris vitae Christus deus aeterna
clementia custodire dignetur, domini patres et fratres.

22.

25 *Alcvinus Cudrado presbytero Lindisfarnensi e manibus Northmannorum erepto
gratulatur. Monet, ut vitam solitariam agat et pro se precetur. 793 post Iun. 8.*

Cod. H fol. 11–11' a.

Edd. F 163, J 26. — Migne col. 144.

VENERANDO PATRI CUDRADO PRESBITERO ALCHVINUS DIACONUS^b SALUTEM.

30 Valde sanctorum locorum ingemesco vastationem; sed vestrae fidei laetificor
constantia. Deique omnipotentis conlaudaris clementiam, qui tibi inter manus paganorum
pepercit³. Ideo firma fide in quo coepisti proposito permanes; confidens^e in miseri-
cordia Dei, ut te suae pietatis^d conservet, ubicumque — fraterno consilio — te habitare
velit Deus. Tamen — sive in loco habitationis singularis sive in fraterna^e cohorte —
35 solitariam conversationem et secretas orationes et ieiuniorum propositum diligenter
observa; quia, non qui coeperit, sed qui perseveraverit [hic salvus erit]^f.^{Matth. 10, 22.}

Meque, obsecro, in sanctis tuis orationibus habeto memorialiter; sicut Buitta
mihi ex tuis verbis fidei relatione promisit.

^a) viris A. ^b) quarum A. ^c) temperante A 1; temperater A 1*. ^d) Dei excidisse videtur. J.
40 ^e) et sanctorum intercessio A 1*. ^f) corr. in prostraverit man. rec. A 1; prostraverit A 1*. ^g) Quae
vos scripsit J. pro Quos A 1, A 1*.

22. ^a) Lemma: Ad Cudradum presbiterum H. ^b) Alchuiñ H. ^c) alia manus addidit tu
in H. ^d) supple clementia vel simile FROB. ^e) fraternas cohortes H. ^f) hic salvus erit addidit J.

1) Cf. supra p. 44 n. 2. 2) Cf. Carmen de clade Lindisfarn. v. 183: Posteriora vobis meliora
45 prioribus esse | Legistis, fratres; sic quoque vestra fient. 3) Cf. Simeon. Hist. Dunelm. eccl. l. II
c. 6 (p. 57): omnesque monachi varia sunt morte necati praeter paucissimos qui quoquo modo evaserant.